

玉蝴蝶

擾擾夢中身世白駒過隙多少時光使盡機關方寸不暫清涼
蓄奸邪更移鹿馬執迷網顛倒之黃最堪傷死生汨沒苦海茫
茫難忘恩繩愛索火坑塵網利鎖名韉一向貪饕不知青鬢
染秋霜覆焦隍空爭駭鹿多歧路謾逐亡羊自徬徨白雲深處
一炷心香

村居

垌外地偏塵遠結茅小隱事事俱休脫粟黃藿安分足可優游
月徘徊昂簪緩步風冷淡懸涕慵收且淹留野雲歸岫煙水橫
秋唯收隨身數物靜巾幌手細櫛梳頭鉢置囊閑杖藜百衲
道藏輯要

雲山集

捌

身集六

外無求唱哩囉招來收監相爾汝取次沙鷗更何憂奏刀無礙
不見全牛

金童捧露盤

夢幻閻浮捨故趨新倏忽化機潛換天地一坵墟會心冥沖漠
野雲舒卷寄迹虛舟鑿形止水風激游絲斷空玉宇無塵清澈
混物我冤親相忘鵬鷗鎮樗散此際穀食鶉居逍遙遊宴聞
乎無聲視無色罷金鏡去膜作空花觀窗戶有餘清泯人牛蹤
跡素華明煥勝槩幽遐洞靈縹緲直許羣真翫步坦途搖頭拊
臂到醉鄉勝入高陽池館世情遠浮生瞬息歸來晚

同前